

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Broj: T04 0 KT 0057442 25
Zenica, 15.09.2025. godine

OPĆINSKOM SUDU U TEŠNJU
Sudiji za prethodno saslušanje

Na osnovu odredbe člana 45. stav 2. tačka i) i člana 241. stav 1. ZKP FBiH, podižem

O P T U Ž N I C U

Protiv,

H. E., neosuđivan,

da je,

Dana, 06.03.2024. godine, oko 23,45 sati, na području općine T., u mjestu J., u ulici B., suprotno odredbama člana 4 stav 1, 2, 3 i 5 i člana 19 i 20 Zakona o sprečavanju i suzbijanju zloupotrebe opojnih droga u BiH, iako je bio svjestan i znao da se radi o opojnoj drogi i da je držanje i prodaja droge zabranjena, što je i htio, radi dalje prodaje neovlašteno držao 10 (deset) prozirnih PVC paketića u kojima se nalazila bijela praškasta materija neto masa: 2,109 grama, 2,105 grama, 2,089 grama, 1,170 grama, 2,136 grama, 2,159 grama, 5,973 grama, 5,181 grama, 2,222 grama, 0,255 grama, za koju je vještačenjem utvrđeno da sadrži psihoaktivnu komponentu „amfetamin“ poznatu kao „SPEED“, koja droga je pod rednim brojem 1. liste psihotropnih tvari iz tabele II „Tvari i biljke pod strogom kontrolom“ proglašena takvom, zatim 4 (četiri) prozirna PVC paketića sa sadržajem suhe zeljaste materije, zelene boje, neto masa 8,944 grama, 9,007 grama, 4,711 grama, 7,906 grama, za koju je vještačenjem utvrđeno da sadrži opojnu drogu „cannabis, tetrahidrokanabinol (THC) koja droga je pod rednim brojem 13. liste opojnih droga i rednim brojem 26. liste psihotropnih tvari iz tabele I „Zabranjene tvari i biljke“ proglašena takvom, te tri tablete roze boje ukupne neto mase 1,550 grama i jedan bijeli PVC paketić sa sadržajem žute praškaste materije neto mase 0,538 grama za koje je vještačenjem utvrđeno da sadrže psihotropnu komponentu „metilendioksimetamfetamin (MDMA) koja je pod rednim brojem 12 Liste o utvrđivanju spiska opojnih droga, psihotropnih tvari, biljaka iz kojih se može dobiti opojna droga i prekursora Tabela I-2 Popisa psihotropnih tvari („Službeni glasnik BiH br. 8/06 od 07.02.2006. godine“), proglašen za psihotropnu tvar, a koju drogu je istog dana prilikom saobraćajne kontrole dobrovoljno predao ovlaštenim službenim licima na potvrdu o privremenom oduzimanju predmeta PS .. broj: ... od 07.03.2024. godine,

Dakle, radi prodaje držao opojnu drogu,

Čime bi, počinio krivično djelo Neovlaštena proizvodnja i stavljanje u promet opojnih droga iz člana 238. stav 1. KZ F BiH.